

R A T I O N E S

31602 / II

Quòd non expediat nouam Academiam Leopoli : PP. Societ : IESV erigere.

1. **S**erenissimi Poloniæ REGES, & Summi Romani Pontifices, Acad: Cracouien: vnã tantum in Regno Poloniæ; tam pro Ciuibus Reipub. quàm pro externis habere voluerunt, vt patet in Priuilegio CASIMIRI Magni, VLADISLAI IAGIELONIS, VRBANI V. IOANNIS XXIII. MARTINI V. & habetur in Statuto verbo SCHOLA.

2. Academia Cracouien: instar Parisien: Bononien: Patauinæ, à primis Fundatoribus est erecta, (vt patet in Statuto Herburti) quæ quidem Academiæ præfatæ, in suis territorijs, multa Gymnasia tolerant: ius tamen conferendi laureatos honores nemini vnquam concedunt.

3. Academia Cracouien: à tempore immemorabili; Sola & vnica est in possessione, Doctores in hoc Regno Poloniæ creandi: & hoc Priuilegium, titulo meritorum, quæ legere potes in Dlugoslo, Cromero, Miechouio, Piafocio, & alijs, obtinuit remuneratiuum, in Vrbe totius Regni Principe, vnde ab ea tolli, & alteri communicari non potest.

4. Noua hæc Academiæ in Ciuitate Leopoli. erectio, pugnat cum erectione Acad. Cracouien: quam CASIMIRVS Magnus, & post eum D. VLADISLAVS IAGIELO voluerunt esse fontem, de cuius plenitudine haurirent vniuersi, literarum cupientes imbui ornamentis.

5. Fontis huius perennis scaturigo, & illimes fidei ac Scientiarum aquæ, irrigarunt & hucusq; irrigant copiosissimè, omnes terras & Prouincias Regni. Hinc variæ deductæ sunt Academiæ Coloniz. Chetmum, Pofnaniam, Zamoscium, Vidauiam, Białam; Otykam, Brody, Iedlinsko, Siracouiam. Hinc Illustrissimis & Reuerendissimis Antistitibus, Viri ad Episcopales functiones perficiendas expeditissimi, Auditores Iure Consultissimi, Hinc Illustribus & Nobilissimis Familijs, ad instituenda carissima pignora, Præceptores fidelissimi. Hinc omnibus Scholis Parochialibus, ad Ecclesiæ obeunda munia, & tenellam informandam ætatem, Magistri & Baccalaurei laboriosissimi subministrantur.

6. VRBANVS V. Summus Romanus Pontifex, non alia spe ductus Academiam & Professores, ex Gallijs magno pretio conductos, REGI CASIMIRO Magno concessit; nisi quòd præter prerogatiuas & libertates, in suo Priuilegio expressas, multò maiores Academiæ Cracouien: esset daturus. Quid autem opus fuerat, tot sæculis Professores Acad: Cracouien: laboribus atterere: si alium quempiam in eorum messem falcem inmittere contingat.



7. Rector Acad: Cracou: non ob aliam causam GENERALIS nuncupatur, nisi quòd penes solam Vniuersitatem Cracou: sit facultas promouendi ad honores literarios, & penes solam illam, literaria Sceptra, quibus omnes iubeſſe tenentur.

8. Si forum & Mercatus eadem die, in vicinis Ciuitatibus lege vetantur: quantò magis emporium literariorum honorum, in vicinia est vetandum?

9. Imperatores & Summi Pontifices, licet pluribus in Ciuitatibus Collegia & Gymnaſia erexerint; non vbiuis tamen conferri literarios honores, propter grauiffimas causas voluerunt.

10. Sicut in ſola Academia Cracou: Inſtitutio eſt liberorum ad vſum Reipub: accomodata: ita per omnia æquum eſt, vt penes illam ſolam promouendi ad literarios honores ſit facultas.

11. Fides per Acad: Cracou: DEO, Eccleſiæ, Patriæ, ac Sereniſſimo REGI Domino D. ſuo Clemen: ſub Sueciſ; tanto cum affectu, & raro ad poſteritatem exemplo, ſeruata; vt Profefſores eius mortem, & exilium potius ſubire, quàm iuramento ſeſe obſtringere, aut vllam promiſſionem fidelitatis hoſtibus præſtare elegerint. Haud igitur æquum eſt, vt loco præmij diminutionem nominis & famæ, per nouæ Academiæ erectionem referat: cum, alij omnes, quicunq; ſub illud tempus pro Patria, aliquid præſtiterunt, ex plebe, in ampliffimum Equeſtrem Ordinem aſſumpti ſint, & Stemmatibus aucti atq; exornati.

12. Ad vnã Acad: Crac: ex vicinis imò & tranſmarinis Regnis, Studio- rum gratiã conſuentes iuuenes, cauſa fuerunt, vt Sereniſſimorum Poloniæ Regum filij ad Sceptra Bohemiæ, Hungariæ poſtularentur.

13. Licet nullum intereſſe in hac noua erectione, Academ: Crac: haberet, nec vllum damnum pateretur: adhuc tamen ad impediendum euigilare deberet, & tanquam fidelis cuſtos depositæ inſtitutionis, ad Ordines Regni deferre teneretur, informando eoſdem, verti in hoc negotio Iura, Priuilegia, & prærogatiuas omnium Ordinum, ad quos ſpectat diligentiffimè attendere. vt Statuta Regni & Priuilegia cuiuſq; in eis contenta, inuiolata conſeruentur, nèue vllis nouitatibus aliquo modo conuellantur, aut labefactentur à quopiam.

14. Longè felicitiùs & pacatiùs, vaſtum iſtius florentiſſimæ Reipub: corpus regi poteſt, ſi vna tantùm Academica inſtitutio liberorum ſit. Quantò enim magis ab vniformitate inſtitutionis, in ordine ad Rempubl: receditur: tantò minùs ſperanda eſt Ciuium & animorum concors vnio, & par obſequij in principem promptitudo.

1. **Q**uantùm Academiæ Cracou: Summi in Reipub: Polona, & Sapientiſſimi Viri tribuebant, & quantè eam faciebant, licet colligere facile. IOANNES Lubranſcius, Epicoſopus Poſnaniens: & IOANNES

ZAIMO-

Zamoscius, Supremus Regni Exercituum Ductor, & Cancellarius, non aliunde, quam ex Vniuersitate Cracouien: lumina suis particularibus Academicis acceperunt.

2. IOANNES Kochanovius, Laureatus Pœta Polonus, in Satyro canit. Academiam Cracouiensem, nulli in Orbe Academicarum, ad quas vndiq; concurratur fore secundam, si præmium literis, & literatis accedat.

3. IOANNES FELIX Herburtus, in epistola ad Acad: Cracou: de data 19. Nouembris, 1612. scribit: *O si benignum numen aliquando vota mea adficere vellet, cognosceret hæc virtutum & disciplinarum Mater, hæc omnium bonorum alrix, me bona Matris, non malum esse filium, &c.*

4. Sanctissim^o æquè ac prudentissim^o Regni Senator, STANISLAVS Hofius, Mutationem Acad: Crac: & Vniuersitatum multiplicatam, quasi pestem fugiendam censebat; Lege epist: eiusdem ad STEPHANVM REGEM Poloniæ.

5. STANISLAVS Orichovius, dispersionem Academicæ Crac: quæ sub AVGVSTO REGE euenerat describens, inde Rem Polonam eiusq; florens imperium, retrò labi cœpisse testatur.

6. Iouius libro 13. Iam disciplinæ Dialecticæ & Mathematicæ ac Philosophicæ deletæ, atq; extinctæ fuissent, nisi Acad: Crac: eas excitasset.

7. STANISLAVS Orichovius, in funere SIGISMVNDI, D. VLADISLAVM IAGIELONEM laudans, inter cætera, sic inquit: *Cracouia Gymnasium condidit, quod omni virtutis ingenij ac doctrinæ laude, ad hanc diem floret, ut inde tanquam ex Equo Troiano innumerabiles Viri prodierint, Sapientia & Doctrina præstantes. In hoc enim Gymnasio, non seposita aliqua Philosophia aut Sapientia pars tractatur, sed tota ipsa, omnibus suis numeris perfecta atq; absoluta, &c. &c. ut cum ferocius gente Polona antea fuerit nihil; nunc contra beneficio doctrinæ eadem nihil videatur, esse mansuetius atq; humanius. Hanc ergo humanitatem, quam in templis, quam in foro, quam in regno, ac in moribus nostris versari videtis, IAGIELONI REGI omninò debemus, qui accersitis in Poloniam literis ac literatis, adhibitisq; earum Doctoribus nos ab agresti, ad civilem vitam vocauit.*

8. Idem Orichovius ad Hofium Cardinalem scribens, testatur: *Antequam in Polonia Cracouienfis Academia, erecta fuisset, Poloni erant αμαρτοι ης ανομοι.* PETRVS Skarga Societatis Theologus, in Libro artium 12. contra Volanum, Archiministrum, in quarto de Academia. *Diuxat Academiam Cracouien: omnium ingeniorum in hoc Regno excultricem, & unicum huius Monarchiæ decus, in quo & nos tyrocinia iuuentutis deposuimus, & ex eius uberibus discipline suauitatem hausimus.* Vide eundem in Concione funebri Serenissimæ REGINÆ ANNÆ IAGIELONÆ, & in vita B. IOANNIS CANTIL.

9. Illustrissimus & Reuerendissimus WYZGA, DE I Gratiâ, Episcopus Varmiensis: in funere SIGISMVNDI CASIMIRI, Poloniæ & Sueciæ Principis. Anno Domini, 1647. *Academia Cracouen: est unicum morum optimorum*

Palladium, una honestissima educationis Palaestra, vnus Europe oculus, vnum omnium artium liberalium domicilium, vna filiorum Regni Schola, vnica Sarmatarum.
Athene.

10. Illustrissimus CASTELLANVS Kijouien: nunc autem feliciter Palatinus Terrarum Rufsiz, Anno Domini, 1655. 18. Octobris, Academiam Crac. motu proprio, vti Senator prudentissimus, ad diem armis decretorium, in deditioe Urbis Cracouien: Sueco singulariter commendauit. Pactisque tanquam membrum, & partem Reipub: Polonæ nobilissimam speciali, paragrapho inseruit.

11. Ordines Regni in electionibus Regum suorum, non de nouis Academicis, sed pro veteri Crac. solliciti eandem Henrico Valefio, Stephano Bathoreo seruandam, & stipendijs augendam committebant.

12. Synodus Cleri Petricouien: dum ob paupertatem Acad: Cracou: ad incitas redigebatur, cum Illustrissimis & Reuerendissimis Regni Poloniæ Antistitibus, ad subleuandâ & conseruandam eandem, de prouentibus Episcopalibus succurrere decreuerat.

13. Inter pacta conuenta felicis: Electionis, nunc feliciter Regnantis Serenissimi REGIS Domini Nostri Clementissimi, formula in Constitutionibus per Rempublicam adiecta est: Ne quis aliter, quàm verba sonant, Statuta interpretari audeat.

14. In Comitijs Generalibus Varsauien: Anno D. 1626. in Collegio Illustrium Dominorum Nunciorum, dum de Academiæ Cracouien: iuribus conseruandis, contra PP. Societatis consilium habebatur, Generosus ac M. Nuncius Stargarden: hanc sententiam dignam cedere protulit. *Donec in Regno Polonia, erat vna Academia, & vna moneta, affatim habuimus bonorum Virorum & probatorum nummorum; postquam verò diuersa Schola & Officina monetaria multiplicari cœperunt, candoris minimum, calliditatis plurimum, & de prauata moneta.*

1. **H**Ac noua erectione fons irriguus Academiæ Cracouien: quem D. IAGIELO post CASIMIRVM Magnum elicit, sensim exaresceret. 2. Pretiosa Margaretha Regni diademati inserta, pretium & valorem amitteret. 3. Philacteria Acad: quæ iuxta votum D. IAGIELONIS extendi debent, coarctarentur. 4. Serenissimorum Poloniæ REGVM, optimè de Regno Poloniæ meritorum, memoria extingueretur, quod est contra mentem Fundatorum, & Summorum Pontificum VRBANIV. qui Studium Generale, soli Vrbi Cracou: concessit. 5. *Ex Generali Regni Schola, (vt Statuta loquuntur) vnus Palatinatus, alteriusq; Schola Academia Cracouien: redderetur.*

1. **A**cademia Cracouiensis semper impediuit, ne de proximo sibi aliquæ aliæ plantarentur. Academiæ, etiam in alieno solo

solo, & sub alio REGE: Sic impediuit erectionem Academiae, in Silesia Vratislaurica, idq; semel & iterum: Lege Miechouiam, Lib. 4. cap. 85.

2. Iulius II. Pontifex Maximus, ad Instantiam Regis Hungariae & Bohemiae, Episcopi Vratislauriensis & Ciuitatis eiusdem, magnis precibus sollicitatus, nequaquam super erectione Vniuersitatis consentire voluit, idq; propter Rationes Academiae Crac: quas utique firmissimas fuisse, Sedes Apostolica recognouit, quae iusta petentibus nihil negare consuevit.

3. Idem testatur Horatius Tursellinus Societ. Historicus, in sua Chronologia, qui describens Academas Orbis, de Vratislaurien: scriptum reliquit. Haec saeculo quinto decimo; nunc sextum & decimum Vniuersitates dedit. Primam quidem anno saeculari Lauingensem, in superiore Palatinatu &c. Vratislauriensem in Silesia anno quinto, agente vrbs Senatu, consentiente cum Vratislao Hungarorum & Bohemorum Rege, tunc Iulio II. P.M: quanquam Confirmationem ne impetrarent, Rationibus euicere Cracouientes, qui suis luminibus officii nolebant.

1. **T**entarunt PP. Societ. Posnaniae Academiam erigere; sed conatus eorum, Academia Cracouensi interueniente, in irritum reciderunt. Vt enim primum rumor exijt, de obtento pro erigenda Posnaniensi: Academia Privilegio. Maior & Minor Polonia grauissimè id tulerunt in Comitijs Sreden. & Profouiensis; quod suae Praerogatiuae, Ius nimirum vniuersitatis Studij, ex Academia Cracouien: in alias Regni partes transferretur: & vnanimibus votis Illustrissimum & Reuerendissimum PETRUM TILICKI Episc. Crac. tanquam Acad. Crac. Cancellarium compellauerunt, vt Iura Acad: Crac. apud SS. Sedem Apostolicam euinceret. Ipseq; Ordo Equestris hoc argumento ad SS. PAULVM V. Pontificem Maximum literas misit.

2. Cum Serenissimus SIGISMVNDVS III. Poloniae REX Privilegium, pro erigenda Acad: Posnan. à se PP. Societatis concessum, validum omnino vellet, & Academiae nuncijs de praerudicio apud suam Maiestatem querulantibus, respondisset: Non permissurum se quidquam praerudicij, à quocumque Academiae Crac: per nouam erectionem fieri. Illustres Terrarum Nuncijs in Comitijs Regni Varsouien. A. 1613. cum sui Collegij Domino Directore, Illustr. D. Foszowski, in Senatu apud S. R. M. summis precibus impetrare conabantur, ne vllum Privilegium nouae alicuius Vniuersitatis condendae, ex Cancellaria Regni extraderetur.

3. Iam verò postquam bonam spem in hac causa à S. R. M. non rem, ijdem Nuncijs retulissent, Protestationem Die 29. Martij eodem Anno 1613. in ijdem Comitijs Generalibus fecerunt huiusmodi.

Nos Senatores ac Terrarum & Dominiorum Regni Poloniae, ex Equestri Ordine, ad Comitia Regni Generalia congregati, Notum facimus, Quòd cum in Comitijs

mitijs Regni presentibus nobis innotuisset. Patres Soc: I E S V pro Collegio Po-
fnaniensi, Ius & titulum vniuersalis studij, facultatemq; decernendi honores Aca-
demicos, à Serenissimo Rege D. nostro Clementissimo impetrauiffe, idq; Priuilegiũ
nomine Ordinum Reipub. concessum iactent. Nos recognoscentes Priuilegium
illud, præiudicare Regni Iuribus, quibus antiquissima Academia Crac: iura &
prerogatiue sunt stabilita, & in corpore legum nostrarum clausa, presenti Scri-
ptura attestamus & protestamur, illud Priuilegium quodcumq; super iure Vniuer-
sitarum, sive vniuersalis Studij, potestateq; in literis promouendi, PP. Societatis
I E S V habere se pratendunt, esse contra Iura Regni, contra consensum & vo-
luntatem nostram, primaria partis Regni, & firmamenti Reipublica Polonæ; illud
proinde robur non habere, cum nobis inscijs contra formulam Legum Regni sit
concessum. Laboraturosq; nos tempore & loco suis, vt idem Priuilegium sicuti est
nullum, declaretur esse nullum. Quam quidem contra prædictum Priuilegium
& signis nostris signamus, ne ab ijs quorum interest præsumptum Priuilegium ro-
boretur. Sequuntur Sigilla & subscriptiones Senatorum & Nuntiorum.

4. Idem vniuersus Regni Clerus sensit, Patrumq; Societ. conatus non
probauit, quòd Acad. Crac. Scholæ regni, optimè de Reipub. meritæ iu-
ra ad se pertraherent, eamq; ad vastitatem & solitudinem redigere co-
narentur. Patet hoc in postulato vniuersi Cleri, in Synodo Prouinciali Pe-
triciouæ 1628.

5. Serenissimus etiam Rex SIGISMUNDVS III. alioqui propositi ten-
nacissimus, à Sententia sua, quiritantibus Academicis Cracouiensib; recessit,
nec vllas amplius literas pro Patribus Societatis, Romã expediri mandauit

6. Paulus V. Pontifex Maximus, Breue pro erigenda Academia Po-
fnaniensi denegauit. Academia autem Cracouiensis Iura & Prærogatiuas
confirmauit, suppleudo omnes defectus, si qui fortè in illis reperirentur.

7. Idem Paulus V. Pontifex Maximus nouitates istas Patrum Societ.
circa erectiones Academicarum, in Polonia iudicio suo reprobauit. Sic
enim Oratori Academico Iacobo Ianidlouio viux vocis oraculo respondit.

Nouitates istas Societ. qua in Ecclesia Dei plus dissensionis, quàm edificatio-
nis pariunt, non libenter audimus; antiquissimam verò Iagieloniam Acade-
miam, qua toti Septemtrioni insignem operam, in propaganda Orthodoxa fide
nauauit, paterno amore complectimur. Pro qua Dominum Episcopum Craco-
uiensem, in Ecclesia Dei peruigilem Pastorem laborare gratulamur. Cui Signa
amoris nostris, in Prærogatiuis Academia Cracouiensis conseruandis, & amplian-
dis, quantum in Domino poterimus, dabimus, & hanc voluntatem nostram Do-
mino Episcopo perscribat: ad Vniuersitatem verò, quas iam ante dedimus literas,
quancocys transmittat, & non differendo in longum, sua desideria nuntiet.

8. Belarminus Cardinalis Magnus ex Societ. Vir & Montalcus Car-
dina-

dinalis Societ. Protector, ipseque eorum Reuerendissimus Generalis Clau-
dius Aquauia, literis ad Acad: Crac. datis, protestantur se nesciuisse, quòd
erectio Academ: Posnaniensis in præiudicium Cracouiens: vergeret, ac
proinde se ab illius promouenda erectione abstinere.

9. Iterum PP. Soc. Anno Domini 1650. eiusdem Posnaniensis Acade-
miæ Erectionem curare inceperant: iterumq; Priuilegium à S. R. M. im-
petrarant, sed Illustrissimus & Reuerendissimus ANDREAS Leszczynski
Regni Cancellarius dignissimus, instante Peraugusto Capitulo Cathedra-
li Posnaniensi obtulit, nec vt illud Priuilegium S. R. M. manu subscriptum,
Sigillo Regni munitet, vllâ ratione induci potuit.

1. Illustrissimus & Reuerendissimus Archiepiscopus Leo-
poliensis consensum, super ista erectione non præbuit.

2. Illustre Capitulum Leopoliens: idem sine dubio facturum, est quòd
fecit Posnan, in Comitijs 1650. cum iterum PP. Societ Priuilegium &
Vniuersitatis titulum, suo Collegio obtinere conabantur.

3. Neq; Leopoliensi Ciuitati potest hoc tribui, quòd nouam Academiam
expetat; cum etiam Collegium Societ. ægre, & magnis cum difficultatibus
olim admiserit, ob eam causam; ne domus Musarum Academica penes
Cathedralem Ecclesiam, in qua omnes artes, Magistri & Baccalaurei profi-
tebantur, deferretur.

4. Sed nec Senatus, nec Ciuitas ipsa, super erigenda apud Patres Acad.
fuit consultata, ex qua plus mali quàm boni, Vrbi illi accederet: Crescente
enim illo Collegio, decrescerent Ciuitatis libertates, & plures lites, maior or-
dinis confusio, ex pluribus Iurisdictionibus nasceretur.

5. Præsentæ Acad. Leopoli erigendæ nulla est euidentis utilitas, aut ali-
qua minima necessitas: Non enim quid aliud Collegio Leop: accedet, quàm
titulus inanis Academix, vt videmus in omnibus illorum quas vocant V-
niuersitatibus, vide Epistolam SEBASTIANI Nucerni.

6. Patres Societ. Leopolienses, per compactata cum Ciuitate, vt possint
in suo Collegio docere, soluunt quotannis Directori Scholæ Parochialis
Academico Cracouiens. in recognitionem quasi cuiusdam Canonis, Flor:
100. vel 200.

7. Plurimum decedet Statui Spiritualis; imò toti Regno, si nobilissima inge-
nia, nouitate hac Academix illecta, in Societatem assumantur, pertrahantur.

8. Cæteris omnibus diuersarum Religionum Ordinibus quisque minus
proficuum aduertit fore, quorum Monasteria, Asceteria, claustra, Acad. Crac:
Professores, Studiosi, & alij Scholares implebant.

9. Schola & Seminario Leopoliensi vacuis, multi sequentur per Ec-
clesias eiusdem Archidioecesis defectus.

10. Deferretur quoq; hac erectione Academix, in Ciuitate Leopoliensi
Socie-

Societati Sceptum, instituendæ iuuentutis Polonæ, & simul Monarchia, ac Monopolium literarium stabiliretur penes Patres, vt sapientissimè dedit in suis literis, ad Prouincialem Societatis, Illustrissimus Dux GEORGIVS de Zbaraz Castellanus Cracouiensis, multaq; inde incommoda securità prædicit.

11. Conatus isti PP. in conquirendis, ad amplificanda sua Collegia, in Vrbe Domicilij, & erigenda Leopoli Academia, non possunt esse sine læsione Iuris alieni, & sine diminutione dignitatis & vtilitatis Regni.

12. Rescriptum obtentum à potente in aula, secundum IureConsultos non valet.

13. Conuenit quoque potius Admodum RR. Societatis Patribus, fidem Catholicam propagare, & ex obligatione votorum suorum, in Scytham &c. excurrere (ad quod eos excitat Cardinalis Hosivs epistola 141. ad R. Patrem LAURENTIVM Magium Societatis in Polonia Prouincialem) quàm laureas Doctorales, Leopoli residendo conferre, cum & D. IGNATIVS omnem speciem fulgoris, à suâ Societate abesse voluerit.

14. Ad extremum Diui IAGIELONIS Academiæ Cracouiens. Fundatoris Sanctissimi verba, quibus in Priuilegio Erektionis vtitur, cuiusq; mentem debent penetrare & percellere. *Si quis autem has nostras Erektionis Studij, concessarumq; pro ipso libertatum, & Exemptionum ac Iurium literas, de successoribus nostris, aut quibuscunq; violare & infringere presumpserit: iram vindicem districti Iudicis, & miserabilis infelicitatis horridum & inopinatum euentum, nouerit se incursum.*

